

寒岳集

共六十七

~16  
2437  
13



和  
2437  
17-13

寒岡先生文集卷之十二



年譜

寒暄堂金先生年譜

皇明恭宗景皇帝景泰五年我魯山甲戌五月二十五日

乙亥戊寅時先生生于漢京貞陵洞之私第小字孝童

與先生同產凡十二而唯先生一人不

六年我花大世祖惠乙亥先生二歲

七年我祖二年世丙子先生三歲

英宗睿皇帝天順元年我祖三年世丁丑先生四歲

二年我祖四年世戊寅先生五歲

三年我祖五年世己卯先生六歲

四年我祖六年世庚辰先生七歲先生六七歲時豪邁跌宕英氣發



越游嬉市街群兒畏避見有無禮嘲傲者輒用撻楚鞭  
朴其所售魚泡之類人用恐怖聞先生之至各自藏匿  
其物入頗異之

五年我辛巳先生八歲

六年我壬午先生九歲

七年我癸未先生十歲

八年我甲申先生十一歲

憲宗純皇帝成化元年我乙酉先生十一歲

二年我丙戌先生十二歲

三年我丁亥先生十三歲

四年我戊子先生十四歲

五年我己丑先生十五歲

六年我庚寅先生十七歲

七年我辛卯先生十八歲

八年我壬辰先生十九歲是歲先生聘于陝川郡治爐縣

末谷藍橋洞居順天朴氏之家○先生外舅司猛朴府

君節制柳星之子檢判尹可權之孫世居星州伽川夫

人亦生長於其家故先生時或往來與止止堂先生之

居相與接鄰○先生既娶未歸之前築小齋于朴氏家

傍隔溪小巖巖名也東之下寓以寒暄堂之號先生詩所謂

數頃烟波數疊山者蓋此也既棲遯於斯而又往來讀

書於伽伽山在內院寺最久金慕齋詩所謂聞說金公

樓築處伽山應是武夷山者真不誣矣堂後為回

九年我癸巳先生二十歲是歲女子子生長適南部叅奉

晉州河珀子無

十年我宗五年 戊申先生十一歲 是歲暮春間佔畢齋有答金郭

二秀才詩金郭即先生名承華 有曰窮荒何幸遇斯人云則蓋是

先生初就畢齋之門也

十一年我宗六年 乙未先生十二歲 是歲女子子生長適訓鍊院

正星州李長培先生執友承彥之子生子適中順美 暮

春間佔畢齋有贈無比師詩序云師年七十有五與吾

黨金大猷申挺之共登頭流宿天王峯脚力甚壯挺之

等亦不及焉云其後丁未南秋江智異錄天王峯堂內

友人金大猷等名字書在板上云

十二年我宗七年 丙申先生十三歲

十三年我宗八年 丁酉先生十四歲 是歲仲夏間先生與李生員

承彥元恭奉縣李生員鐵均郭進士承華周秀才允昌

會于善山鄉校討論墳典時佔畢齋金先生宰善山時

就問辨者數月當罷佔畢齋有詩七月間作也

十四年我宗九年 戊戌先生十五歲 十二月子彥塾生字士訓補

展力副尉系奉女適權續 ○有呈止止堂兩絕句蓋

先生詩文之幸存者皆少作也晚年德立之後則其不

復致意於文章之作乎

十五年我宗十年 己亥先生十六歲

十六年我宗十一年 庚子先生十七歲 是歲生員試三等第三十

二人入格○是歲圓覺寺僧潛轉佛像謂佛自四立士

女奔波臺諫文章請罪不許先生上疏乞窮靈茲狀肆

諸市朝是六月十六日也竟不報○子彥庠生生員蔭

補官至司憲府監察正後以老加階通政寄至八十七

十七年歲二 歲庚辛丑先生二

十八年歲三 歲庚壬寅先生九 佔畢齋有和先生詩五首

是年四月也○九月女子子生長歸我先祖考司憲府

監察 贈承政院左承旨諱應祥君諱思中次思誠次

思誠

十九年歲四 歲庚癸卯先生三 先生自受小學書於佔畢

齋之門一以律身未嘗釋手人問國家事必曰小學童

子何知大義年三十歲後始讀他書訓後進不倦執洒

掃之禮修六藝之學者滿於前後視冷結

二十年歲五 歲庚甲辰先生三 子彥序生端秀清敏早卒

二十一年歲六 歲庚乙巳先生三 是歲四月南秋江遊金

剛山有錄曰松蘿庵壁上有故人大猷名字及絕句一

首云蓋先生已於前此遊歷金剛矣○秋江又於九月

遊松都靈鷲山玄化寺前有石塔塔有故人大猷德優

名云先生松都之遊亦已在此歲前矣

二十二年歲七 歲庚丙午先生三 佔畢齋為吏曹參判亦

無建立事先生上詩諷之畢齋不悅其和詩頗不平自

是貳於畢齋

二十三年歲八 歲庚丁未先生四 十一月女子子生長適

士人晉州姜文叔先生門人進士訢之子也未幾而寡

懿德淑行滿於家庭人謂婦人而傳先生之風者也壽

八十六有遺腹子 歲○十二月十二日先生丁司勇府

君憂餽粥哭泣絕而復蘇躬卜地于烏舌里甫老洞之

原葬焉廬于墓次一遵家禮孝誠純至感化鄉閭

孝宗敬皇帝弘治元年我十九歲成廟宗戊申先生十五歲

二年我二十歲成廟宗己酉先生十六歲先生服闋事大夫人每鷄鳴

必擲盥整衣冠先拜家墓次省大夫人出就書齋危坐

如泥塑人講論不怠及昏定如儀夜深講論而罷

三年我二十一歲成廟宗庚戌先生十七歲奉大夫夫人入京當在此年

四年我二十二歲成廟宗辛亥先生十八歲六月子考學生有子曰昱

朱溪君與南秋江訪先生讀書城南別墅當在此年

五年我二十三歲成廟宗壬子先生十九歲曾與秋江絕交及聞其病重

馳往問之秋江拒不欲見先生即排門直入其卧内秋

江轉身向壁則先生手自開衾撫其肌膚羸敗已甚先

生深加嗟惜從容告訣而退秋江終無一語酬答未幾

### 秋江下世

六年我二十四歲成廟宗癸丑先生二十歲成廟命舉遺逸○女子子生

長適忠義衛東萊鄭成璘先生四女長適李讓次適河仁

○鳴陽副正賢孫送先生奉大夫夫人歸玄風詩有曰醒

狂老丘壑秋江長已矣先生奉還玄風當在此年

七年我二十五歲成廟宗甲寅先生二十一歲夏慶尚監司上先生行義授

南部叅奉○是年十二月成廟賓天○鄭文獻公之

為安陰在是年非汝川之相會亦當在此年以後而此

時先生方在玄風則其自玄風來會兩半之地也歟

八年我二十六歲成廟宗乙卯先生二十二歲十月移拜典牲署叅奉未幾吏

曹上稟特敘六品

九年我二十七歲成廟宗丙辰先生二十三歲春拜軍資監主簿俄遷司憲府

東國先生文集卷之五

監察冬金浦縣有獄奉命往鞠

十年我燕山三年丁巳先生四十四歲春移拜刑曹佐郎剖決獄訟一

出至誠感服公正進退周旋動中規矩判簿升堂舉止有法雖甚忽遽未嘗少違

十一年我燕山四年戊午先生四十五歲七月史獄起謂先生以佔畢

齋門徒結為朋黨互相稱譽或譏議國政謫訕時事次杖八十熙川郡付處○修成廟實錄時李克瓌為堂

上嘗於金濯纓之為獻納重被論劾及見史草書已惡甚悉又見書光廟朝事載佔畢齋弔義帝文遂謀於

柳子光以為禍胎時宰亦有相應者從差備門告之燕山常憤為文士所拘不能縱惡欲一施快而未得其譽

聞子光等所啓大喜鍛鍊成獄佔畢論以大逆即令剖棺金駟孫權景裕以黨惡相濟真極刑李穆許馨姜謙

以傳相告語按律表浴沫洪瀚鄭汝昌宗室摠罪犯亂言姜景敘李守恭鄭希良鄭承祖知而不告並論決遠

配李宗準崔溥李龜李曾朴漢柱任熙載康伯珍李繼孟姜渾與先生俱以朋黨謫訕分輕重論決或極邊或

遠方付處並定烽燧庭爐干之後

十二年我燕山五年己未先生四十六歲夏無雨而雷震人于闕門命

決冤獄又命移配平安道付處朝士于兩南先生量移順天府僑寓北門外時禍機叵測先生處之晏如不變

常操

十四年我燕山七年辛酉先生四十八歲

十五年我燕山八年壬戌先生四十九歲府之西有溪名玉川水石清

奇老樹槎牙曹梅溪偉亦與同謫就其岸累石為臺往

來為詩酒之適先生亦時時獨往徘徊不事吟咏

十六年我燕山九年癸亥先生五十五歲冬曹梅溪下世先生為治其

喪又為文祭之

十七年我燕山十年甲子先生五十六歲九月縉紳禍再起命加罪戊

午黨人十月初一日禍及謫所是日先生聞有命即沐

浴冠帶而出神色不變偶獲脫還着以手理其鬚銜之

口從容而就年五十一子彥塾彥庠彥學壻河珀李長

培鄭應祥等奉柩葬于玄風烏古里甫老洞先塋東距

一里許之岡仰向之原家被籍沒諸子皆分配彥塾河

東彥庠泗川彥學以幼免丙寅靖國皆放還

武宗毅皇帝正德元年我大和宗恭元年丙寅中廟即位靖

國○是歲九月初七日先生母夫人韓氏下世

二年我大和宗二年丁卯進雪被罪諸人之寃贈先生通故

大夫承政院都承旨無經筵叅贊官尚瑞院正

十二年我大和宗十二年丁丑八月十二日領議政鄭光弼等議

例贈未足表異請加贈其爵廩其妻搜訪其子孫錄

用○同日加文館副提學金淨等請隆爵尊謚從祀文

廟以明士趨○是月館學儒生上疏請鄭夢周金某並

從祀文廟二十一日議政府議鄭夢周升於從祀之列

金某就平日講道之所置立祀宇列於群祀官為致祭

何如啓依允○二十六日鄭光弼等議請依前議施

行於是贈大匡輔國崇祿大夫議政府右議政兼領

議政府右議政兼領



經筵事○禮曹以所居鄉講道之處置立祠宇春秋仲月官為致祭事報議政府○十月二十八日議政府答未有聚弟子講道之所令於家廟春秋仲月官為致祭何如同副承旨柳雲次知 答依允

皇帝萬曆三年我今上乙亥 賜贈大匡輔國崇祿大夫議政府右議政兼領 經筵監春秋館事金宏弼謚 文敬公道德博聞曰敬

四年我今上九幹丙子秋七月 日吏曹正郎金誠一奉謚 宣賜本家

穆宗皇帝隆慶二年我今上元年 戊辰館學諸生上疏請金某 鄭汝昌趙光祖李彥迪從祀文廟累月陳請自是之後

每年陳疏或新榜入泮之後率新生員陳疏逐榜籲懇 以為常規

六年我今上五年 壬申自是歲以後請并李滉五賢從祀每榜 陳疏

寒暄堂師友門人錄

佔畢齋金先生諱宗直字季晷善山人也宣德辛亥生景 恭癸酉禮進士天順己卯世登第官至刑曹判書 弘治壬子卒年六十二謚文簡公○隆慶丁卯許魏兩 天使求本國傳孔子心學者朝廷書示若干人有曰金 某學問精深文章高古為一代儒宗誨人不倦前後名 士多出其門稱為佔畢齋先生

按秋江師友錄云先生受業於佔畢齋之門李公勳

所撰行狀則以為先生之學得不傳之學蓋於畢齋之門雖嘗受業又受小學之授而其成德凝道遠紹往哲則專是體貼自得之功不可誣也

止止堂金先生諱孟性字善源海平人也正統丁巳生長先生十七載而先生待之甚敬其所上諸詩可見且必自稱訓下則其尊之者至矣○曹梅溪序先生詩集曰家子星山之伽川好讀書喜著述尤嗜於詩日以吟詠為事不事家人生產作業性不能飲而客至喜置酒輒醉醺然不問有無於富貴榮利泊如也無源主於閥閱故宰相靖肅公安純之外孫文肅公崇善之甥內外孫親黨滿朝或勸以仕不屑也早有重名慨然有志於世既屢屈科第則築室伽川上扁以止止持酒自娛將有

終焉之志 成廟踐祚之初命有司舉遺逸迺為中部叅奉後擢丙申科歷諫省躋禁從筆問益遠俄坐事貶高靈高靈距伽川十餘里三年一不往其廬人皆以為難久之還朝入吏曹為正郎丁未春卒于京師年纔五十餘家甚貧賴僚友鄭子健極力經紀乃克以喪還鄉○余幼時得見寒暄金先生上先生詩親筆其下云訓下金某再拜敬謹之意尚見於筆畫之間世說寒暄先生師事之今以往復詩文而竊思之雖未必專奉以師道而蓋亦師友之也以寒暄先生而師友之則先生之所存亦可想已敢不敬數

已上兩先生皆先生之所尊師故皆不敢名而以彌其朋友以下則難於盡彌皆直書姓名

鄭汝昌字伯勗河東人成化庚子

宗十

成廟命成均

館舉經明行修公為第一癸卯進士弘治庚戌登第官至安陰縣監隆慶丁卯許魏兩天使求本國心學者姓名實行以若干人書示謂公信古好義學務踐履與金某志同道合時人稱為金鄭自號一蠹卒 贈右議政鄉人立書院以祀之○任虎臣所撰行狀曰公與金斯文某遊佔畢齋門下日講說道義以相磨礱又曰公性端重沉靜不喜交遊獨以金先生大猷許以為知己論道講書未嘗相離嘗為近侍出家輒遣乘迎致告以所奏於 上者何如每引古今商確以至達曙

南孝溫字伯恭宜寧人自號秋江居士早喪父事母以孝聞為人冲澹而弘毅踈曠而典雅宵次洒落無一點塵

氣嘗受業於佔畢齋佔畢公不敢名必曰吾秋江其見敬禮如此與金某鄭某金時習安應世諸賢相推重躬兄然在 成廟朝上疏請復 昭陵不聽遂絕意於斯世以散漫為事凡稱名勝之地足跡殆將遍焉以正統甲戌生沒於成化壬子年三十九至燕山甲子追罪

昭陵之疏禍及象壤

俞弘跋  
秋江集

深源秋江師友錄字伯淵號醒狂又號默齋大平真逸大宗之玄孫與余同年生日後於余經明有行無通醫術性忠孝不喜巫佛平居冠帶手不釋卷殿講通四書五經進階明善大夫行朱溪副正年二十五九前後五上書論治道或乞或不乞又廷論叔母夫任士洪不道異心失意於祖父謫長湍又謫伊川上書請見病父母

言語懇至得允丁未年宗親科試講經史擢第一人賜  
藥賜酒賜階二品而不封以前有忤祖父之過也 成  
廟感悟竄士洪於外燕山亂政誣搆于公併其二子而  
殺之用事十年魚肉士林人皆服公先見 中廟特贈  
爵一品仍旌其門

辛永禧師友錄字德優靈山人宰臣碩祖之孫倜儻不羈  
磊磊多大節不喜科名詩名播聞中外成參議倪以其  
詩為出入蘇黃癸卯年進士自後不應舉○公謫安寧  
先生欲絕事見上曹先生所錄

李承彥字士雅星州人 魁生員與先生同遊學佔畢  
齋之門沉洪有量雄勇絕倫淹貫經史放意湖山以遺  
逸薦官至漢城府無參軍子長吉長坤學於先生長培

聘于先生女

元槩字 原州人以高行薦授參奉不赴與先生同遊  
學佔畢齋之門

李鐵均字 星州人景恭庚午生乙酉進士丙辰登第  
官至大司成與先生同遊學於佔畢齋之門

郭承華字 玄風人丁酉進士與先生同遊學佔畢齋  
之門以清介為士友所推知有士林之稱沉冥鄉曲間  
不自表異於凡人先生或相調戲以為如此避禍豈合

道理

周允昌字 尚州人與先生同遊學

申挺之先生與之同遊頭流之人也挺之其字也名則不  
傳

俞好仁字克己高靈人正統乙丑生壬午生員進士甲午  
登第官至陝川郡守年五十卒魚得江銘墓碣序略曰  
忠孝清儉沉重簡嚴詩文古高筆力道勁人稱三絕家  
世清貧又不營業佔畢公文行冠一世公不讓焉嗚呼  
以德望遇 知聖明可試素蘊而屢屈府檄養又不終  
止於知命痛哉臨終語子瓊曰君子要須不欺君汝若  
得一官當思我言家子雷溪因以為號有萬數卷

曹偉與先生同年生 曹伸諱聞瓊錄公字大虛自童稚  
時人皆期以遠到既筮仕大被 成廟之知獎愛特甚  
為親乞郡特 賜一級陞四品守咸陽時 下書廢論  
曰爾以文章致身陪侍帷幄為予所器者久矣以親老  
辭職求侍得除近郡守令以資奉養蓋出於不得已也予

以待從之故下諭監司令略致餼于爾親使鄉里知爾  
以稽古之力榮及其親爾其知悉公上箋陳謝前此  
上令歲抄所製詩稱旨命賜父母米豆在郡秩滿而丁  
憂又賜賻祭米豆外官賻典前所無也官至叅判燕山  
朝以修撰佔畢齋詩稿定罪謫義州移配順天弘治癸亥  
感疾而卒享年五十所結文皆一時名流鉅公相與講  
論朝典切磨文史亶亶不倦雖以文事廢謫猶手不釋  
卷著述頗多嘗草梅溪叢話十餘事未成稿而卒

賢孫師友錄字世昌神堯之後官至鳴陽副正年後余十  
三歲動以法律身篤行亞於大猷嘗欲行冠禮大猷止  
之丁母憂一從家禮

洪貴孫字寵叟南陽人以生員薦為義禁府都事官至石

城縣監年未及四十而卒先生約與同上迷原

成某生員成博之祖父也先生約與同上迷原

李長吉字子賀仲氏問曰謹按李長吉先生同門友李承

彥之子世家昌寧距先生居纔半日程與其弟長坤執

弟子禮甚謹為人俊邁多材幹少以學行聞秋江錄至

以堅貞不雜稱之其有時譽可知然後極狼狽竟以弓

馬發身締結燕山嬖孽事多鹿鄙又附權奸悖戾無狀

以是為士林所擯有後贖之譏云當長吉以儒為業時

秋江著師友錄故云非別有他人也如何如何李先生

曰李長吉前後如一人如此豈獨程門有邢恕耶可歎

可畏○亦見曹先生所錄

李勸師友錄字仲栗工於詩後攻庸學味其道自是不專

攻詩道志尚高遠不事稟白中事尚友古人平居冠帶

澹澹如也師事大猷伯淵

崔忠成師友錄字弼卿

朴漢參順天人先生婦弟

尹信師友錄字任之坡州之世家文肅公之後行同世昌

而深沉和緩過之師事大猷世昌鳴陽副正賢孫字

李坊師友錄字子野居長安好賢樂善恬於勢利詩學甚

富大猷伏其機軸遠

盧祖同師友錄字公緒好讀小學不喜躐等之學朝美之

文科舉之才持身守法略與大猷同居父喪廬墓三年

一依家禮與詩叔同學於佔畢齋之門先生敬之時叔

字○金慕齋訪盧處士詩序曰盧公有高行不求聞達

少與金先生某同遊學其詩曰人間軒冕自殊途顏巷窮居味道腴眼底牢籠閑宇宙胸中蘊蓄一唐虞學追濂洛淵源正行篤曾萊踐履俱為訪林丘應有意欲將高範表南隅○撫言云盧逸士瑋固城人按公敏昭緣何而○已卯補錄遺逸盧某別科薦目友愛著於鄉黨學識醇正且有才行落第累轉為慶尚都事適拜正郎十二月言官以為別無操行不可初授參上職請降資遂還田里而終

許磐師友錄字文炳癸卯年進士志於性學恬於進取欲事事師古師友大猷大猷服其端雅出於天性後補調社稷參奉時左相洪應為提調文炳說之曰王世子國之儲君也他日東方萬姓之所仰賴者今與宦寺居處

進見書懋之時少遊玩狎昵之時多請云云○戊午登第權知承文院副正字是年士初起被殺

閔龜孫師友錄字瑞卿羅州人故僉正粹之子子挺婦弟嘗學詩於子挺少焉即工又從正中貞之仲栗遊師事大猷為人端雅無累

姜訢師友錄字時可晉州人觀察使子平之末子始從餘慶于密陽受杜詩於佔畢齋次從德優學詩次從大猷攻小學次從時叔公緒讀詩於俞克已廬墓後中進士

趙光祖字孝直自彌靜庵正德庚午中宗魁進士乙亥以孝廉拜司紙是秋登乙科第一人官至大司憲己卯十一月十五日微作決配綾城十二月二十日後命至

仁廟初命復職秩如初隆慶己巳乙巳賜謚文

正公道

德傳開日文  
正服之曰正

隆慶初許魏兩使問傳孔孟心

學之人答以公天資異甚絕出等夷師金宏弼篤信力學志在明道術淑人心一世不幸早卒○退溪李先生撰行狀曰公天分異甚絕出等夷鸞傳而鵠峙也玉潤而金精也又如猗蘭播芬而皓月揚輝也年十七八慨然有求道之志時叅判公為魚川察訪而寒暄先生謫在熙川公素聞寒暄學有淵源因趨庭于彼而往從之遊得聞為學之大方蓋我東國先正之於道學雖有不待文王而興者然其歸終在於鄧義章句文辭之間求其專事為己直以真踐實履為學者惟寒暄為然公乃能當亂世冒險難而師事之雖其當日講論授受之肯有不可得而聞者觀公後來嚮道之誠志業之卓如彼

其發端寔在於此矣○盧蘇齋守慎撰碑銘曰戊午秋寒暄先生謫熙川先生既趨庭遂往從之遊得聞為學大方久而歸目送之曰吾道東矣自是篤信敏求脫世習洒如也

柳藕字養清號西峯成化癸巳生嘉靖丁酉終年六十五○其門人成東洲悌元撰墓表曰先生始學於金先生宏弼勵志勤苦燕山朝史禍作害延先正心喪三年自是玩心性命之學窮探六籍泝沿濂洛蹈實地而避虛名人無知者及其學益老而德逾高俯仰今古嘯咏乾坤明天運之變化察世道之推移浩然嘉遜翛然自樂雖優游城市中巖壑之士所不可及也早孤貧僦屋而居躬爨而養母裕如也母有宿病推究醫術手自劑藥



供奉不怠講學于家未嘗強以語人就問則答之雖髫  
稚之學必親自句釋以教之先生德器純粹人無賢不  
肖望之知尊敬焉然不事表襮清夷莊重不甚取異樂  
道人之善而惡未嘗出諸口實於已而及人人亦樂從  
妻子不免飢寒處之怡然淨掃端坐唯以訓誨後生為  
務培植人材功實多焉天文卜筮音律書畫亦各極其  
妙是則游藝之一事東方自箕子後雖粗識文字於聖  
人心法若朦瞽然麗季牧隱圃隱出入中朝聞濂洛之  
學於殫殘之餘來倡于東然得其門者蓋寡况後二百  
餘年師道寥寥知學者鮮而學之者又莫知其從來獨  
先生之學得之於金先生為有淵源然先正遇害之年  
先生纔弱冠則大經大法雖有所傳其精微要妙未及  
得聞槩可見矣而先生從事於博文約禮之誨竟有所  
就其所自悟者多矣

李長坤字希剛號琴軒乙卯魁生員壬戌登第官至右贊  
成兼兵曹判書星州人甲午生也○公少與元長吉俱  
受學於先生之門○已卯補錄公狀貌魁偉才兼文武  
燕山朝以弘文校理謫巨濟懼燕山疑已逃竄至咸興  
託跡於水尺聞反正始出豪邁清介備嘗疾苦出入將  
相咸稱其職已卯冬十一月十五日夕南袞馳書曰國  
有大事走馬入來時公以兵判兼判義禁將舉事不可無兵判也公蒼黃馳到  
袞曰有密旨洪判書待命神武門外先時袞使景舟濟祈侍之臣皆其腹心事機危迫請開與景舟金詮高荆  
山會于神武門外袞則不入諸宰既入闕都摠管沈貞叅

知成雲亦自直所來會共坐于閤門外請 上御便殿

景舟奉書 啓入對乃趙光祖等罪目且令內庫戎器

陳列陛前檻殺讞也景舟入 啓曰事急請速命囚入

直近侍於是故院始覺之直宿承旨尹自任等詣 閤

門外進問曰宰相入闕不使政院知果是何事左右相

目不語公獨且立且坐欲言而不敢發俄而內宦中順

剛出召成雲雲輒佩劔趨入未幾還出以袖中小紙授

公曰 御筆也此人等亟下獄以公判也公以授都事黃

世獻送獄承旨尹自任孔瑞麟注書安變檢開漏鼓三

下矣於是閤門外諸宰皆入侍以可怖可愕之事大恐

動之勸 上速令宣傳官金吾即逮捕黨人拿致闕下

以誅之公始知當夜格殺之議愕然進 啓曰人君不

可以行盜賊之謀亦不可諱首相而行國家大事與大

臣共議罪之猶未晚矣反覆極諫景舟欲 啓事請上速

決或作起動之勢公輒揮手却之曰公何為若是使不

得離席以售其奸謀 天威少霽乃命招領議政鄭光

弼由是事得寬緩領相請推鞠定罪公與金鉉洪淑臺

諫承旨同推入 啓命以時推昭趙光祖金鉉洪淑臺

尹淵在奇薄朴世燾朴薰田人秋流為奴柳仁淑孔瑞

麟淵在奇薄朴世燾朴薰田人秋流為奴柳仁淑孔瑞

先放領相與右相安瑋面對極諫乃命減死杖配未幾

公辭適禁府臺諫論公前日推鞠時不嚴正鞠問致罪

人呼字呼名請罷退寓昌寧而終

鄭應祥字公瑞清州人我執世居京都好賢坊少學于先

生端飭志學先生愛之遂以女歸之

金正國字國弼義城人彌思齋正德丁卯生員進士己巳  
擢壯元第官至兵曹叅判嘉靖辛丑卒壽五十七慕齋  
安國其伯氏也誌墓曰吾弟生稟既異少受學金先生  
宏弼有師友淵源學問超詣絕於俗儒善屬文贍敏敷  
暢晚學詩能操筆立就亦清逸不俗才尤長於故事隨  
事酬應動合機宜時望甚遠及歿聞者識與不識無不  
慟惜訃聞 上深用驚悼吾弟孝悌天至清簡澹泊不  
以外物累其懷忠以事君信以交友愛睦宗族操履修  
潔一世莫及重之

成世昌卒丑生字蕃仲昌寧人彌遜齋受業於先生之門  
中辛酉司馬試丁卯及第即授弘文正字以直提學拜  
承旨是時 上雅尚儒術登進名賢舊臣側目傍伺公

見幾憂危嘗與冲庵陰崖最相善每以鋒穎太銳為戒  
己卯春調疾于坡州別業乃欲避其禍也及庚辰以散  
班家居沈貞意其與清流異趣造公第啗擬諫長公恐  
其澆已乃曰庸鴛豈堪其職但前日 國家罪白面書  
生實涉暗昧而止門密 啓者不正之甚有言責者雖  
在已往當直諫以糾其失也貞色變遽起以是大忤時  
宰及南袞死鄭文翼公復相戊子有調停己卯人之議  
亞判銓曹是後金安老倡輔東宮假抑沈貞實濟其奸  
而人莫敢議之公以副提學乃奮然曰安老之為人余  
所深知今若得志必將誤國率同僚劾之大諫權輒大  
憲金謹思聽安老陰囑反誣公黨附沈貞構陷非情請  
寘重典 命鞫問公休於殞命竟就誣服遂寬平海及

安老伏辜乃召還乙巳拜右相奉使如京李邕等又深  
疾之誣與柳灌等謀不軌竣事未還窺長洲尋卒嘗在  
謫所聞陰崖下世懷慕不已乃題詩曰百疾千愁總到  
身存亡感慨亦相因遙聞雲路多新輦每見秋山葬故  
人無復舊交思道義敢期前席為敷陳雖存人世終何  
益泉路皆歸昔日親今上丁卯追雪復官職孫子腐  
官至司藝曾孫惇亦登文科行狀曰天資英偉不拘營  
生學識超邁文章典雅久在詞苑及掌文衡為多士所  
矜式音律書畫莫不精曉筆法亦妙時稱三絕

